

平桂紀畧卷二

五年乙卯春正月朱洪英陷富川知縣濟昌死之

洪英糾鄧正高汪三源等萬餘人由恭城寇富川境焚掠沙坪古城十七日逼城下縣役毛遇春應之陷南門入濟昌冠服坐堂皇賊殺之貢生周召南力戰死執典史宋履元去不屈遇害

二月柳城賊陳戊養寇清流鎮

戊養與兄土養據柳城東坂為巢掠清流鎮附於陳永秀

官軍克富川賊陷灌陽

官軍攻富川都司秦德種中礮陣亡兵練奮擊賊走富川陷灌陽

三月官軍克灌陽

官軍進克灌陽守備夏文龍陣亡賊回平樂沙子街旋竄湖南陷東安

平桂紀畧卷二

土賊曾五晚陷太平府據之

五晚與劉阿積黃土昭陷太平府據之時土賊紛起不可勝數黃勝春據龍州之隴津盧生才凌晚據崇善之通康孔香雷濟春據羅白土縣之邕旺山覃應連應達據羅白之丁極村鄧大鄧二據土江州之蘇林村黃三大據崇善之恩城各股嘯聚或千人或數百人互相應援以為唇齒

四月太白晝見

艇賊陳開李文茂敗於廣東率眾西上入藤縣據大

黃江遂圍潯州

五月平樂沙子街賊李良白稱洪興堂聚眾數千人

寇恭城陽朔等處

良聚眾稱洪興堂兵馬大元帥立五營三十六隊土賊皆歸之官軍捷於叢木山獲軍帥林士清總

管陳阿耀等良為團丁所殺楊西安收其眾復據沙子街稱連義堂

六月李現光叛據法村糾游賊豆皮倫等犯百色同知慶麟擊卻之

現光右江鎮標外委也與馬兵李鳳祥聚眾索饒總兵奚應龍斬鳳祥以徇現光糾兵丁百餘人叛走結土賊黃正秀等六人潤新中礮陣亡六月現光與土賊豆皮倫犯百色同知慶麟擊之退法村

艇賊陳寶張標犯柳州兵練擊退之

郡城練勇分為八團鎮柳兵團最强與韓鳳協力拒賊官民恃以無恐其後萬老福李天益韓鳳強橫驕肆官民無敢誰何陷城蓋由於此

七月鄧興雀襲陷永福殺團長唐廷昭出竄義寧

平桂紀畧 卷二

二

興雀糾流賊李二嫂陸了頭等襲陷永福殺廷昭及男婦數十人四里彭莊團練擊之竄義寧

鄧興雀陳志廣陷靈川易家村團總舉人易煥圖廩

生易遵被監生易三錫從九職銜易有輝皆戰死

興雀等由義寧竄靈川破易家村走興安附於趙雄

上思土賊李春茂糾陸高鴻黃叱奇等襲陷州城據之

高鴻等由太平犯上思屯文嶺春茂潛導之襲陷州城知州武衛陷賊中

八月十六日陳開李文茂梁培友陷潯州知府劉體舒桂平縣知縣李慶福前知縣舒樺府經歷宣元煊典史沈廉從九馮鎔周濤皆死之

梁培友自梧州竄德慶適李文茂陳開敗於佛山
擁眾西竄遂糾合伍百吉吳超等共陷肇慶廣東
官軍克復賊出封川復犯梧州梧州府知府陳瑞
芝擊卻之賊過藤縣遂圍潯州環攻三月餘八月
城陷劉體舒李慶福舒樺等皆被執不屈死教諭
劉端然貢生藍兆麟生員馬少愚蔡湘劉茂昉並
及於難賊建偽號曰大成改潯州為秀州桂平為
秀水李文茂自稱平靖王陳開鎮南王梁培友平
東王區潤平西王梁昌定北王署偽官征賦稅諸
村之不從賊者蹂躪殆遍死亡相籍矣

李文茂陷貴縣土賊王全義黃鼎鳳附之

土賊王全義糾眾拜會擄掠村堡時陳開已據潯
州使李文茂梁培友大口昌等率賊數萬犯貴縣
王全義迎之城陷賊令王全
義據登龍橋黃鼎鳳據覃塘

九月流賊趙雄陷興安據之

雄據灌陽文村聚眾數千人九月陷興安賊首鄧
興雀陳志廣何先登等皆附之先登就撫賊自相

平桂紀畧

卷二

三

疑忌委員賀聯奎把總鄭忠以潮勇來援與知州
蘇鳳文游擊祥瑛王海清千總蔣俊
馭進攻興安
雄竄唐家市臨桂團總陽之申曾繼
孔外委蘇勝皆陣亡雄復入興安

李文茂犯平南官軍逆擊之廣東同知謝效莊中礮

傷發卒於軍

賊據潯州築土城二以自固土賊姚新昌莫肥七
陳成煥鄭水通等皆附之分黨犯貴縣武宣平南
九月李文茂親率賊艇數百下平南連日與官軍
戰於烏江秀水嶺效莊奮勇追擊以手麾軍礮中
掌傷發
卒於軍

十月賊棄興安鄧興雀陳志廣竄高上田陳永秀朱

勝洪竄湖南永明

趙雄為其黨所殺諸賊自
相疑忌遂棄興安分竄

十一月平南大坡賊龔據大黎村知縣李載文率兵

練勦之不克

覃阿兒滿等據大坡時出焚掠擾大烏武林燕嶺大隆六陳平山各村墟殆遍十一月胡德禧黎儀等襲據大黎村以斷兵練進

十二月土賊余老科犯懷遠出石碑梅寨巡檢高秉

楨與賊逆戰中礮溺死

老科遍擾懷遠之鰲里大洞大塘扒沙等處由滾玉出石碑秉楨與把總會長茂外委黃振吉要擊之秉楨中礮溺死

六年丙辰正月獐賊韋扶果作亂遷江縣知縣徐引

誅之

平桂紀畧

卷二

四

扶果馬平轉磨村獐民也生即能言術士陳神仙邪說惑眾謂當為天子旬日之間從者數百人族中匪徒因之劫掠咸豐三年五月據九畹清流山馬平縣知縣徐引焚喇好村扶果及其母逃理苗徭山六年春復糾徭獐作亂時徐引改任遷江督團攻勦獲扶果誅之

十四日陳彪陷武宣右江兵備道黃輔相知縣茅本

蕙被執不屈死

流賊何晚降於輔相易名松年水師勇目陳彪何維杜棋潛通李文茂與松年不相能殺之江中遂擁眾據城執輔相本

陳永秀掠麥嶺黃金亮叛從之陷富川犯恭城北鄉

永秀與鄧興雀陳志廣等陷湖南永明再陷江華為官軍擊敗回廣西掠麥嶺千總黃金亮叛附之陷富川焚掠西嶺山塞殺團總汗滋大男婦死者三百七十餘人退據麥嶺時朱洪英伏誅永秀收

集其眾與金亮分統之
犯恭城北鄉復竄灌陽

二月官軍克平朗李文彩竄走潯州

文彩久據平朗掠劫各鄉時擾廣東之靈山六年
春廉州府知府沈棟輝率師攻平朗二月克之文
彩敗竄東津旋走
潯州附於陳開

官軍克復武宣

二月十五日統帶智勇吳錦蘭會團總黃極真黎
觀光等克復武宣三月初二日潯州協副將福格
至城督率
兵練防守

三月武宣復陷副將福格守備朱錦華死之

賊復聚黨數千駛舟昏夜撲城內好應之
官軍不及備城復陷副將福格等遇害

思江苗賊戴老寅龍老盤等陷懷遠

平桂紀畧

卷二

五

戴老寅等合苗頭戴天保李興郁石老五陳老四
吳尚杰王翰玉等聚黨數萬各僭稱王陷懷遠縣
城焚殺荼毒民死無算因
分據懷遠所屬為巢穴矣

土賊王得生犯慶遠

得生嘯聚四千餘人擾維東維西初七日逼攻城
下知府張凱嵩因事在省聞警馳回得生退據巖
口負隅不出兵練圍攻之得生奔思攬旋遁清潭
死黨僅二百餘人匿白虎巖中兵練以火攻之得
生奔出被獲並得偽軍師
韋五六先鋒王仁誅之

清江苗張九隆入龍勝通判曹為鉞都司周慶龍巡

檢柏樹蕃把總彭得皆死之

五年趙雄據興安監生蔣方清請捐貲募貴州清
江苗勇三百人隨官軍進剿張九隆統之雄平留
戍興安六年三月遣發回籍道出龍勝劫掠居民
九隆擁眾入城土賊乘亂倉卒變起為鉞率家人

投池中死彭得巷戰死慶龍樹蕃皆遇害團練甫集九隆已退出巡撫勞崇光遣守備庾文昌率勇來援擒斬張應高邵滿朱雲亮等師至城下九隆宵遁

上思州團總磨現瓊克策心山

官軍進攻上思州現瓊率練丁破策心山賊壘

四月官軍克復上思

磨現瓊既破策心並招撫何大興雷濟春鄧二鄧六等二月擒偽軍師黃河清李春茂四月克復州城

合福堂賊陷富川平樂縣知縣吳朝鳳擊之獲鄧苟

茂吳悅來等三十餘人

李文茂陷象州

平桂紀畧

卷二

六

賊陷象州右江道孫蒙會同遊擊韓鳳參將湯遇珍水陸並進賊開西門出走運江將犯柳州鳳由陸路截擊賊敗去

五月張高友據永福鹿寨以應李文茂

梁培友犯平南廣東知府謝邦瑞千總柯維陣亡

培友自運江犯平南與李文彩屯於秀水嶺官軍潰邦瑞柯維皆陣亡

六月梁培友襲敗官軍於平南古雍灘把總呂耀文

貢生傅揚清傅揚芬吳國霖皆陣亡

陳開犯梧州官軍擊卻之

張高友犯柳州官軍擊敗之回荔浦

武宣象州既陷柳州勢日危高友潛通艇賊順流攻城時孫蒙署右江道事志曾署柳州府事力籌

守禦提督惠慶駐蒙墟遣遊擊貴陞常興回援與遊擊韓鳳屢戰皆捷賊敗竄

李文茂陷融縣

文茂結陳戊養破長安鎮殺團總吳守清陷融縣設偽官以戊養為城守

知府劉作肅副將多祿克復太平府

作肅進軍太平以次破通康孔香隴津巴旺賊竄走擒殺黃士昭鄧衣錦等數十人進克府城

七月知縣李嘉年克復貴縣

廣東都司蘇海以水師西援敗績於龍港

右江鎮總兵奚應龍克法村

李現光據法村不出七月應龍募人為內應潛入法村約期舉火因縱擊之擒黃色讓關世會吳洪開王兆榮楊洪升等數十人現光斃於亂軍中

平桂紀畧

卷二

八月初二日梁培友陷平南知縣李載文參將張遇

清都司唐文燦守備張彪外委張艇皆死之

培友率賊攻平南載文屢擊卻之已而賊來益眾圍攻七十餘日載文中毆傷足會大雨糧盡援絕賊以木排衝斷鐵鎖轟礮下擊水師驚潰千總方源啟鎰率所部逃出城遂陷遇清文燦張彪張艇皆巷戰死巡檢鄧文敏亦遇害載文自刎弗殊賊擁去巒割之初賊陷潯城欲順流逕趨梧州載文每截擊之與官軍固守日久死賊無算故恨載文尤甚平南陷而梧州岌岌矣

九月貴縣復陷

李文茂犯柳州

文茂自率賊眾由象州入柳河政府城潛結張高友據永福鹿寨以牽制官軍右江道孫蒙參將湯遇珍遊擊郭承脩千總韓壽會合維容知縣李佩聲遊擊韓鳳夾擊高友敗出維容江口文茂亦退

十月李文茂再犯郴州

文茂率賊眾復至水陸連亘數十里悉力環攻官軍出戰捷於雲頭嶺再捷於紅廟賊至益眾不能卻十一月初七日東門地雷火發城崩韓鳳湯遇珍等督勇固守城幾陷

十一月永福土賊陷縣城

永福土賊勾結閩人之寄寓者攻陷縣城肆焚掠居民逃避八年冬統領湘軍蔣益澧以次剿滅各賊流亡始集

十二月陳永秀陷興安繼陷靈川

永秀與黃金亮敗於恭城金亮分擾全州永秀出灌陽山棗司巡檢黃師宗團總黃建極與賊戰於魯觀山陣亡十一月賊犯興安十二月陷之繼陷靈川

七年丁巳春正月黃金亮犯全州官軍擊敗之

平桂紀畧

卷二

金亮與陳永秀自恭城分竄永秀陷興安金亮犯全州築土營於南北山隘據飛鸞橋官軍擊敗之

土賊胡元隆襲陷修仁據之
元隆陷修仁與張高友相結遂據縣城都司左光藻知縣李佩聲率兵練擊之不克把總彭某陣亡

張高友犯荔浦典史傅勛陣亡
高友率賊眾入石牆逼荔浦城下典史傅勛出戰陣亡知縣王康濟自職思堡集團練擊之連戰皆捷賊宵遁

孫仁廣梁安邦叛附於李文彩陷永瀆知縣刁汝元

死之

仁廣安邦皆永瀆土寇五年就撫欲借官軍去文彩以自雄六年春廣東官軍克平朗文彩竄走依陳開六年冬糾梁昌陷橫州七年春破蘇梁張三村仁廣安邦以文彩勢大叛附之遂陷縣城安邦

擁汝元至那檀不屈死把總王良彪亦被害賊偽改永淳為巒州

初八日容縣賊范亞音陷北流知縣蕭暄死之

亞音戴九犯北流東關知縣蕭暄敗之入西山越二日糾李文茂並土賊二萬餘圍城二十七夜陷東關繼陷西關賊穴城下發地礮都司葉上雄震死城遂陷暄與典史施沅被執不屈死進士梁宗敏舉人周維鑒生員夏延齡並及於難賊偽改北流為桐州府以賊目楊朝樞知府事

二十日李文茂陷柳州署右江道孫蒙代理柳州府

知府志曾署馬平縣知縣倪韶書皆被執不屈死

賊攻柳州巡撫勞崇光遣韓鳳率三千人助守鳳屢勝賊頗驕肆索民戶捐輸軍餉城中以非鳳無可恃謹奉之賊圍久城中乏食守陴者不能支十九夜鳳率敢死士二百餘人潰圍出輜重妾婦隨後城中老幼隨者萬計甫及濠賊盡奪之擄殺男婦屍填濠滿鳳僅以身免賊乘間入城擁孫蒙等

平桂紀畧

卷二

九

去蒙大罵賊怒甚股解破腹挂腑臙於庖厨中志會倪韶書投水死署象州知州孔慶鏞署來賓縣知縣方思訓典史孟如峯巡檢徐殿興遊擊湯遇珍常興貴陞袁開勝千總袁王朝會承恩把總吳啟元張永陞廖忠榮皆遇害文

茂據柳州分黨擾柳城羅城

岑溪縣知縣宋炳璜勦賊於思勞坡不克死之

陳豆皮大洪秀全餘黨也據岑溪對岸之思勞坡炳璜履任欲招撫之豆皮大畏懼不敢出值歲饑炳璜發倉賑濟陰勒民壯渡河直趨思勞坡賊不設備皆竄走會下化之賊來援民壯敗退炳璜行及河賊黨馬文麒率馬隊追及之遂遇害

柳州團總歐振剛擊賊大捷

郡城陷振剛扼守二三四都與賊力戰十三日大捷追賊至城濠下斬馘千餘級各團皆倚振剛矣三月大坡賊攻廖洞梁培友自平南大烏墟來會團

練擊之中礮死

培友據平南為水路總管三月大坡賊攻廖洞村培友引賊來會團練擊之中礮死陳開領其眾

陳永秀合黃金亮陳戊養出甘棠渡官軍戰失利都

司松齡遊擊韓鳳陣亡永秀等據龔家村犯桂林

永秀金亮復合於興安與陳戊養龔寶成出屯甘棠渡官軍戰失利永秀據龔家村進逼省城築土城七處以自固

土賊黃雲忠呂玉和據永安官兵築長圍困之賊潰

圍出官兵追擊斬首數百級呂玉和伏誅王雲忠遁

去

艇賊張標犯慶遠兵練擊退之

平桂紀畧

卷二

十

五月初五日梁昌李文彩陷南寧據之

梁昌文彩既據橫永聲勢益熾警報日數至土賊騷動城中無儲粟官民皆走避五月初五日梁昌與文彩率賊數萬水陸並至入郡城偽改南甯為南安府宣化為永安縣

梁昌陷宣化沙塘村屠之

賊陷縣城避居是鄉者數千人賊皆殺之舉人雷高衢闔族死焉

初八日沙子街賊楊西安陷平樂知縣華元超死之

西安久據沙子街潛結黃冕廖鳴盛廖心如叛勇萬豐為黨援流賊何四吳聽添萬猪仔等紛擾平樂境內皆西安為主二月知縣華元超捕誅何四聽添萬豐等西安遁永福雞石灣糾廖心如回沙子街遂犯府城城陷元超被執罵賊死教授廖體志訓導譚立勳典史陸雲章都司陽煥東把總易忠裕皆遇害

陳 開焚燬平南縣城屋宅去之

平南團練攻賊克復縣城殺賊目譚德鄧六趙二葉榮等偽定武侯曾三偽武城縣令譚桂村率賊數萬水陸並至團練退出連日相持互有死傷賊知不能固守將城內外屋宅焚燬而去自此寇團練村堡無虛日

官軍克臨桂龔家村

巡撫勞崇光遣遊擊郭承修知府陳瀚副將王海清攻破龔家村永秀奔靈川戊養寶成等奔義宜

潯州賊攻陷藤縣馬氏莊屠之

時賊聞童謡有清明折柳立秋下梧之說遂決計圖梧州

閏五月陳開犯梧州據三角嘴

賊至戎墟官軍屯三角嘴築礮臺禦之閏五月朔賊船蔽江來發礮擊之不能卻次日犯東較場攻

平桂紀畧

卷一

十一

三角嘴斷浮橋分扼富民坊自是郡河糧道絕矣

六月謝秉彞糾貴縣賊黃鼎鳳陷賓州知州翟景禧

被執不屈死

秉彞為賓州團總跋扈狠戾潛與賊通與上林團構怨求助於官景禧斥之秉彞遂謀作亂四月糾鼎鳳攻城大肆焚掠六月二十五夜穴地道入景禧被執秉彞欲脅之降景禧大罵服毒死

候選知府蔣益澧江忠濬率師來援連戰皆捷進剿

興安

湖南巡撫駱秉章遣益澧統湘勇忠濬統楚勇來援次全州屢戰皆捷進逼興安

楚粵官軍克復靈川

楚粵官軍攻克靈川永秀竄昭平金亮敗走蘇橋旋由永福入興安據城固守築土城於外以拒官

軍

七月廣東都司蘇海統水師西援與賊戰於祿步敗績被執不屈死

流賊賀昌輝陷義甯退據東坂西坂村

昌輝湖南人寄居融縣麻江墟與兄昌期糾眾陷義甯旋散被獲誅

楚粵官軍克復興安

楚粵官軍克土城賊開南門出奔遂復興安陳永秀入平樂附於楊西安黃金亮陳戊養入柳州附於李茂

八月廣東賊陳金剛陷懷集

金剛擾湖南郴州復回廣東英德清遠七年秋陷開建復入廣西陷懷集以懷集開建為巢蔓延廣

平桂紀畧

卷二

十三

甯德慶封川連山

上林賊李錦貴糾黃鼎鳳陷縣城代理知縣楊培堃

被執不屈死

鼎鳳既陷賓州因合土賊李錦貴黃元鏐犯上林由東關襲南城陷之擄培堃去罵賊不屈遂遇害錦貴偽改上林為澄江縣自稱明義將軍大司馬黃元鏐黃丹桂等為爪牙曾銓張立忠等為軍師秉彛分守賓州蓄髮變服徧張偽示用太平天國年號

初十日陳開陷梧州署梧州協副將蔣福長代理蒼

梧縣知縣巡檢王錫惠死之執學政沈炳垣去

賊據三角嘴亟攻城時按察使黃鐘音督辦軍務駐城中蒼梧縣知縣彭昌集出城勸糧錫惠代理縣事梧州府知府陳芝副將蔣福長屢出擊賊不能卻自夏及秋城陷者數次廣東舟師來援

賊半道奪其船東路之援絕西河郡河餽道不通
城中數米而炊至食草根木皮八月賊連日來攻
禦者力竭不能立賊越城入福長錫惠皆舉室自
焚死炳垣道經梧州值賊攻城力籌守禦城陷有
勸其出亡者叱不顧焚火欲自焚火未然遽為賊
擁去縣丞丁端書楊湘廣東巡檢王世鏞武羅巡
檢王協和柳城典史張象吉皆及於難賊偽改梧
州為秀江府蒼梧為秀平縣羅華觀據城中

羅華觀殺蒼梧縣知縣彭昌集於戎墟

土賊羅華觀昌集所招撫也五月賊至城中乏糧
昌集請撥潮勇二百人赴東安收辦糧米路經多
賢村冀華觀感招撫恩欲說之以為己用時華觀
潛與賊通乃縛昌集獻於賊戕於戎墟關帝廟知
府倪濤廣東都司
蘇海同日遇害

賊殺按察使黃鍾音於戎墟

官軍克平樂沙子街

平桂紀畧

卷二

官軍克興安陳永秀竄栗木墟入沙子街楊西安
據平樂府城以為犄角八月官軍由興安進勦克
沙子街栗木之
賊皆入府城

李錦貴寇上林三里城敗退

張高友復犯荔浦破馬嶺墟官軍擊之敗走永安之

新墟

九月朔日食

廣西學政沈炳垣遇害於梧州

賊執炳垣去知為學使善待而邏守之不得死與
賊約披燿於潯州西竺寺為僧未幾復擁回梧州
乘間說賊反正為書致巡撫
事洩賊怒肢解之而焚其屍

宜山土賊雷功掌陷思恩縣

功掌由德勝鎮竄思恩攻陷縣城殺幕友趙雲亭劉世芳據城七日乃退

李文茂遣張彪陷慶遠

八月張彪率艇賊由洛黃進柳城賊由陸路齊至城下圍攻二旬餘時署慶遠府知府邵春卿往天聞警回援城已陷矣文茂以張彪為都督據慶遠雷功掌黃池為元帥梁勝為知府葉兆隆為軍師胡汝安盧京榮為將軍掠清流襲思管屯太坪柳慶二府蔓延始遍

吳凌雲陷新寧土賊梁日高據之

凌雲據隴伏渠盧土賊皆歸之農啓富陸國恒糾新寧土賊蕭二蕭晚等陷州城磨現瓊破渠盧擒斬凌雲姪大邦凌雲復招宣化賊梁日高入州城據之

十月官軍克復平樂楊西安伏誅

平桂紀畧

卷二

十四

九月蔣益澧江忠濬率師自恭城進擊悉毀賊壘建浮橋以濟克二塘遊擊胡顯高彭玉山知縣段瑩器悉以兵會城下威聲大振賊憊甚糧且盡遣其黨至瑩器營中請降瑩器受之西安約期詣營益澧正其罪誅之西安死其弟益固守陳永秀出竄賀縣餘賊潰散官軍攻克之

十一月李錦貴陷上林巷賢團殺團總周秉鉞等數百人

百人

官軍克永安新墟張高友敗竄

十二月李文茂犯永福土賊廖鳴盛附之

鳴盛閩人寄居黃冕其族最盛與土著人不能族眾推盛為首數擾鄉鄰附於李文茂八年文茂敗鳴盛遁匿同治元年赴統領楚軍劉坤一行營乞降黃義德殺之